

«تۈرك يوردى» نىڭ بۇ ۋىسايىتى «تۈرك يوردى»
كىتابخانىسى «نەك ئەمەلىي ھەمىدە ادەبىي نەشر».

تۈرك يوردى

ناشرى : تۈرك يوردى

مەدەنىي : آق چۈرە اوغلى يۈسۈپ

۱۷ ئىفرىن اول ۱۳۲۹

۳ يىل

۲۰۴ ۋىسايى

بو خطایه قارشى گولردك. بركون اوكا سوردم: « نینه نیچین نیجه سنه لره دیمور،
کچن سنه لره دیورسك؟ »

« — اولادم، شیمدیكى بایراملر گز کچمش زمانلرک بایراملرینه بگزمه میور،
دیدى. سزه دعا ایدیورم که کچمش بایراملر کبی بایراملر کورم سگزم ... »
عجبا عالم اسلام ایچین ایستدی کمز او کچمش بایراملر تکرار عودت ایتیه جک،
عجبا محزون افقلمزده اواسکی، مسعود هلال عید بردها دو غمایه جقمی؟

محمد الله صمیمی



بایرام مقاله لری

تورک غزته لرینک بایرام کونلرینه درجه علاقه لرینی کوسترمک ایچون،
« اقدام »، « طنین » و « وقت » جریده لرنده شکر بایرامی مناسبتیه یازیلان
سطرلری آشاغییه عیناً نقل ایدیورز:

« اقدام » ده:

عید سعید فطر

ماه صیام مغفرت اتسام دون اقشام تکمیل ثلثین اعتباریه واصل خیر انجام اولش
وعید سعید فطرک شرف حلولی، سالکین دین مبینک بوماه مغفرت آیاتی ادراک ایله حاصل
ایله کارى سرور معنوی بی برقات دها تزئید وجبین تابناک مسلمینی تنویر و تزین ایتشدرد.
بوکون بتون عالم اسلامده قلوب موحدین بو مبارک بایرام کوننک فیض تعالیسیله منبسط
و منشرحدر.

هان جناب حق و فیاض مطلق حضرتلری حبیب اکری حرمتنه کچر دیکمز ایام فلاکتی
بردها کوسترمسون و ممالک اسلامیه و عثمانیه بی مظهر رفاه و سعادت بیورسون آمین.

..

(اقدام)، بالجله مسلمین و مسلمات حق لرنده عید سعید فطری تبریک ایدر و بایرامک
ایکنجی پنجشنبه و اوچنجی جمعه کونلری انشار ایتیه جکئی قارنه و قارثلرینه بیان ایلر.

« طنین » دمه :

طنین

بایرام مناسبتله قارئلرینه تقدیم تبریکات ایدر .

بایرامک ایکنجه و اوچنجه کونلری غزته من انتشار ایجه جکدر .

عثمانلی تورکلکنک ایکی اک بویوک کونده لکی کچن شکر بایرامی مناسبتله شو اوج ، بش سطرده باشقه یازاجق برشی بولامامشیلردی . باش مقاله لری اسویچره زراعت مکتبلرینه و ناجوویچ بیاناتاته عاند ایدی . بوجریده لری دیکر طرفلرنده تشریفات مدیریت عمومیه سندن ویریلن رسمی تبلیغاتدن غیری بایرامه عاند برکمه اولسون یوقدی ...

« وقت » دمه :

سوینجلی بایرام (باش مقاله)

« اللهم ربنا انزل علينا مائدة من السماء تكون لنا عيداً لأولنا
وآخرنا وآية منك وارزقنا وانت خير الرازقين » (« مائدة »
سوره سی)

قرآن کریم برپیغمبرک مناجاتی حکایه ایدرک بزه دعا ایتمک اصولی اوکرتیور :
« ای اولو تکریمز ، بزه کوکدن نعمت ایسدر ، هیمزه بایرام اولسون . بزی طویور :
سن طویوروجیلرک خیرلیسیسک ! »

بو دهانک مضموتی هر ذی حیات ، هر زمان تکرارایمکده در . هر ذی حیات ،
هر زمان الله دن نعمت ایسته مکده در . بو ییل . حمد اولسون ، بو دعالر درگاه الوهیتده
مقبوله کجیدی . الله ک مرحتی ایله اکیئلر ، میوه لر بول اولدی . خلقک طویراغه کومدیکی
سی ، بوشه کیشیدی . اکیئلن تخمیلر ، اکیلمه دن بیتن یتمیلر ، هبسی آبی یتشیدی .
حیوانلره ، انسانلره طوقلق کلیدی . خلقمیزک چوغنی تشکیل ایدن رنجیلر ، بو سته
سویندیلر . کویلرده طوقلق اولدینی زمان ، شهرلرده آلیش ویریشده آبی کیدر .
شهر اهالیسی . بو ییل اخذ واعطاده کساد کورمیدیکی کبی بیه جک وایجه جکندی ده قولای
تدارک ایتدی ؛ مسعود اولدی . الحاصل بوسوک بهار کویلره و شهرلره برکت یاغدی بوردی ،
خلقک یوزخی کوله بوردی . اکیئلر طویلانوب ، نعمت و برکت یاییلان بزموسمه تصادف

ایتمش بو بایرامده ، روحمز : « یارب ، بزه کوکدن نعمت ایندر ، هیمزه بایرام اولسون ! » دعاسنک درگاه حاجنده مقبوله یکمیش اولدیغنی طویارق سونجیله طولودر . الله ، بو بایرامزده باشقه شکر اولنه حق نعمتلرده احسان ایتدی : مسلمانلر آرمه سنده کورمه یه باشلادیغمز سکون و آسایش او بویوک نعمتلردندندر . بونجه ییللردنبری اسلام دنیا سنی قایلان فلاکتلر ، بیراملریزده مانع سرور ایدی . مثلاً کچن قربان بایرامی ، اسلام خلیفه لکنک مرکزی تهید آلتنده بولنیوردی . رمضان بایرامی ایسه حرب دهشتلری ایله یکمیشدی . دها اولکی ییللرک بایراملری ، مملکتمزک آسایشسز لکندن نشأت ایدن توقیقلر ، نفیلر ، و بونلره بکزه ر دیگر راحتسز لقلره قارا کتلاشدیرلشدی . بو ییل ، الحمدلله ، ظلمتلر اکسیلیدی . ایشلر یولینه کیده ر گیبی امیدلر طوغدی . قلبلره راحت کلمه یه باشلادی . بو بایرامزده ، آرتق سونیه ییلیرز ، بربریزی صمیمیتله تبریک ایده ییلیرز .

بو بایرامده کی متبسم چهره لریمز ، مسعود قلبلریمزک آینه سی صاییه ییلیر .
بایرام مبارک اولسون ، قارده شلر ! مبارک اولسون بایراملر !

بو باش مقاله دن غیری ، « وقت » ک بایرام نسخه سنه خصوصی بر رنگ ویرن « کوکده کوزل ، فقط یرده دها آیی » فائته زیسی ، « بایرامده آغلامازلر ، یاوروجغم ! » حکایه سی ، و « رمضان خاطره لری » واردی .



بایرام احتیاجی

آدم اوغللری حیات یولنده قوناق آزارلر . دنیا نك بوتون شاعرلری ، حیاتی اوستدن آتشی کونشیلر . آلتدن قیزغین قوملریله یاقان برچوله بکزه تهرک . سرین صوکنارلرنده ، کولسکی واحه لر حسرتیه آغلاملردر . صانیورم که بایراملر ، بواحه احتیاجندن طوغمشدر . دینلرک جانلی زمانلرنده . بایرام کونلری آدم اوغللری دیکندیریر ، بربرلرینه یاقنلاشدروب سوشدیریر . اسکی برخلق شاعری « بوکا بایرام کونی دیرلر ، قان ایدنلر باریشیر » دییور .